

The Electronic Manipulus florum
www.manipulusflorum.com

Ira ad
cum fontibus primis

Plus semper ira in uindicta exigit, quam iniuria accipit.

Quia enim plus semper ira in uindictam exigit quam iniuria accepit, dum discunt mala non multiplicius reddere, quandoque discerent ea et multiplicata sponte tolerare.

Gregorius Magnus, *Moralia in Iob*, 28, 18 (CCSL 143, M. Adriaen ed., p.1428, ll.117-120).

Ira cum delinquencium culpas insequitur, non debet menti quasi domina preire, sed post rationis tergum quasi ancilla famulari.

Ira quippe, etiam cum delinquentium culpas exsequitur, non debet menti quasi domina praeire sed post rationis tergum uelut ancilla famulari, ut ad faciem iussa ueniat.

Gregorius in moralibus.

Gregorius Magnus, *Registrum epistularum*, 9, 229 (CCSL 140A, D. Norberg ed., p.809, ll.112-114).